

口侯
科
秘
旨
二
卷

喉科 旨卷上

張氏原本

總論

紅杏山房校刊

夫左爲咽屬胃右爲喉屬肺乃一身百節之關呼吸出入之門內經云一陰一陽結而爲痺一陰者手少陰君火心之脉氣也一陽者手少陽相火三焦之脉氣也二脉共絡於喉氣熱則內結結甚則腫脹脹甚則氣痺痺者不仁之謂此喉痺之所由名而乳蛾喉閉纏喉等症

皆痺類也

吳氏

有風寒火溼毒虛之別致風火相搏或

寒暑相聚其症變幻不一如漫腫而多痰風與溼也淡
白而牙緊牙寒也紫色不腫而爛者風伏寒也紅腫而
脈浮者風火也脈沉實爛而不腫者毒也脈細數而浮
者虛火也脈細而緩者虛寒也六者之象可類推也大
凡初起之症診右寸洪緊肺風也兩關浮數胃火肝風
也左寸浮洪心火也右寸沉遲肺伏寒也右寸沉遲肺
伏熱也右尺洪大三焦火旺也左尺浮洪而有力腎虛
火炎也六脈大略論治俱可用六味湯加減症若凶險

脈宜細診再察形窮原對症用藥自然可愈經云神聖
功巧不過望聞問切細心推詳庶無差誤耳

張氏

喉症分經

喉有二孔左爲咽屬胃納食之關右爲喉屬肺納氣之
關口內上腭屬胃陰下腭屬脾陽舌之中屬心四圍屬
脾舌根亦屬心小舌又名蒂丁屬胃喉之左右舌根屬
肝外兩耳垂下亦屬肝牙根上屬胃下屬脾舌胎白主
寒黃主熱焦熱甚黑熱極凡舌胎不單論色但有津者
非真熱不可概投涼藥宜引火歸原大舌邊乃脾火可

用清涼之劑喉癰地位屬肝再連內寸許或爛或腫俱屬脾胃火毒之症結毒亦有之但結毒者兩關脉必沉兩關脉浮非結毒也此分經大略再考圖形便悉

張氏說

咽喉治法要論

醫者當審其病由參之時令必須大湧其痰去痰之法先備溫水使病人漱口如點刺或吹藥令其垂頭流去痰涎俟痰涎少止仍以溫水頻頻漱之

如衰弱人及病勢重者須要着人扶好或用銀針刺其患處風熱則散之火症則清之甚者下之陰寒者溫之

若初起驟用寒涼之藥則上熱未除中寒復生其毒乘
虛而入即喘不休死不救矣大抵風熱症十之七火虛
十之三寒症十無一二也

病昏沉痰多氣急飲食不進發熱不退牙關緊閉脉息
微弱者症必重

人事不醒痰氣上攻聲如雷噤食眼張天柱倒陷面壘
色焦鼻如烟煤張煽不定目睛突出汗發如雨咽喉乾
痛聲啞無痰手足麻至膝蓋發喘及呃脉息如絲乃死
症也

臨症用藥生死反掌醫者不可懷希冀之心故意延挨
病者不可起懈怠之念以致決裂古云走馬看咽喉不
待少頃者卽此謂也

遇症用藥後痰少腫退卽愈如已潰用藥後越兩日卽
可進飲食者三日後無不收功

喉癰用藥後患處要變紅色知痛癢有津液潤澤者可
治

用刀針須向自己勾來不可向病人口內剔去
咽喉忌下刀之地有四處

嚙化

啞門穴

喉關兩均上

舌下筋

若用刀其刀頭上須蘸已藥或玄中藥照不作痛

臨症先診其脉象輕重後看其患處深淺若脉絕脉怪

脉死則毋須用藥矣因毒已入腹非藥力所把挽回也

纏喉風及陰虛喉癰二症最險而難治至危而不易識

纏喉風內外無形其患在關內上面有紅絲如未入心

尙可用藥已入心則不治凡遇此症宜早治在一日半

日之內可保無虞陰虛喉癰如螻蛄皮形有青白點子

高低大小狀如暑天瘡子其症雖危延日最久或一年

半載而死或一月或半月而
如起病數日之前治之
十症可得九愈

看喉腫處其色變紅者卽成膿之候可不刺而自潰也
喉症用糯米泔水或甘桔湯或薄荷湯俱要溫和爲主
山查焙燥磨細末煎藥內可加一撮乃消腫去毒治咽
喉之要藥也

以上十四
吳氏說

病人壯者藥可猛弱者攻宜緩

動針不可傷小舌要緊

夜晚看症宜倍加細心藥用六味湯天明復看而爲加

減

凡針舌下兩邊青筋血紅生血黑死服宜清甘消痰解毒之劑

以上四條
張氏說

四絕症

走馬喉風

鎖喉風

走馬牙疳

纏喉風

此皆凶險之症若不吐不瀉針之無血藥不能入皆爲不治慎之慎之

十六絕形

舌捲囊縮

角弓反張

泔汗如珠

十指無血

啞喉噎食

喉乾無痰

吐血喉癰

六脉深細

聲如鋸拽

大便不通

鼻塌唇青

天柱倒塌

脉細身涼

兩目直視

壅痰氣塞

喉菌不治

左手脉式

心脉悠揚緩散

肝脉沉而弦長

腎脉虛細而宜大

凡診脉一呼一吸四五至者平和脉也三至爲遲六至爲數病脉也

寸	關	尺
---	---	---

心包絡

小腸

肝

膽

腎

膀胱

右手脉式

命門脉緩而悠揚

脾脉緩而散大

肺脉浮濇而短

尺	關	寸
---	---	---

命門

三焦

脾

胃

肺

大腸

脉遲則寒脉數則熱細緩則虛寒細數則虛熱六

脉一理

針穴

凡六穴應病行針

頭面		右手		左手	
頰車穴	在耳垂下八分	少商穴	在食指內甲角	商陽穴	在無名指外甲角
中冲穴	在中指內甲角	少冲穴	在小指內甲角	關冲穴	在手少陽二焦經
手太陰肺經	手厥陰心包絡經	手太陽小腸經	手陽明大腸經		

吳氏咽喉二十四大症歌訣 今存二十二症

喉痺

鬱火攻兮喉痺成或生左右小棋形鮮紅酒毒光如鏡
瘡在喉間風熱勝

其症形小而圓初起或消或刺皆可如其色紫紅平
塌光如鏡者不可刺宜內消因其毒發於本源故也

喉閉

積熱風痰喉欲閉因生血泡在喉間忽然壅塞櫻桃似

點刺流涎病卽安

其症宜發表清熱先用針點後吹子丑二藥

纏喉風

惡寒惡痛名陰毒內外無形氣短促胸前紅腫是多寒
若見紅絲針貴刺

藥宜發表吹藥先用已藥如見紅絲卽刺斷再用子
藥

噎喉風

此症謂之飛絲每口中發泡丑藥覆燥點痰熱在心
忽然噎食終非福

用針挑破血泡後上丑藥兼次一藥煎藥宜清熱祛痰

啞喉風

啞瘴喉症犯咽隔口不言今牙關塞面紫唇青冷涕流風疎痰降卽無厄

其症牙關緊閉先用已藥後用由藥前後抹之風痰去盡爲度煎藥先發表後清熱

弄舌喉風

體發熱今口內腫舌出頰將兩手弄筆針患處去痰涎